

民國元年三月購於
遵義圖書館


子謙

巢經巢詩鈔

下冊

巢經巢詩鈔卷第六

遵義鄭珍子

古今詩共六十七首

繫哀四首并序 巳下壬寅

禪祭踰月欲歌先哽痛念慈蹤觸事如昨我今不
述誰復知之茲灣此居地從主人計吾生不改遷
泯滅者惟數事耳恃其與哀俱永各繫一章三年
不事吟詠詞之鄙俚不計也

桂之樹

桂之樹樹在僦宅前三株離立各合抱一株踞右獨茂

圓其後大冢京兆阡其前壁下將家田樂安溪水繞田
過清淺可厲無橋船年年負擔指南走次次涉此求塗
便丁酉以還食於郡八十里歲八九旋一回別母一回
送桂之樹下墜石弦度溪越陌兩不見母歸入竹兒登
復此景何時是絕筆十月初四己亥年嗟嗟乎桂之樹
吾欲祝爾旦暮死使我茫無舊跡更可憐吾不祝爾旦
暮死使我自今撫爾長潸然桂樹止無情永念對蔥芊

雒東樹

園角一菲亭亭後雒東樹幾年亭破草荒蕪舊為阿孃
拜斗處亭下今居前十年方如棋局一畦田一朝割半

為池沼上種綠楊中種蓮池頭不滿三弓地斗亭即向
其間置高籬三面裹藤花花心如蜜終年翠晚涼朝露
午晴天柳陰藤蔭藕香邊有時阿母來小憇有時阿母
還畱連泮泮挽挽撚平聲管線續續抽抽紡木棉紫薤堆
袍幫婦脫黃瓜作犢與孫牽一窠雞乳呼齊至五色狸
奴泥可憐當時家計誠貧薄母身雖勞母心樂似有鬼
神旌苦辛亭西六月舒梅萼而今陳跡渾不存空有破
亭畱棗根後日懸知改遷盡冷煙寒圃自晨昏

黃焦石

後園黃焦石厥癩如蝦蟆古柏覆其頂蒼苔布其窠石

脚何所有纂纂棘木瓜石縫何所有黃黃懷香花初來
治茲圃地瘠不可鏵辛勤我母力十年擁糞渣不知鋤
幾鉏硤确化為畚秋分摘番椒夏至區紫茄小滿拔蔥
蒜端陽斬頭麻頭上覆尺巾細意毫不差時來慙石上
汗泚慈色加拍麾小兒女亦學事作家觀之不如意復
起為補苴舊時值堊處塵浣風與爬爾來三四年荒翳
藏蛇蠅獨撥莽中覓隕涕至日斜

苦竹林

階西牛所宮宮南丐所止其下苦竹林種自西禪寺竹
瀝宜病人竹葉宜弱子竹篾宜麻刀竹皮宜履底我母

道求難人有不如己又厭此角空過者見表裏手植數十科年年顧而喜謂筍歲增大再蓄儘堪恃今日看成林吾毋長去矣

自望山堂晚歸荏灣示兩弟二首

墓門此隔不二里時去時還日幾回在日眼穿無我到而今脚破見誰來

時時鬚有一莖白倦矣似今前可知汝曹相惜好料聲理放我墓邊閒幾時

影山書屋示莫芷升

庭芝

四壁架不倒米盡書有勢可憐字字黑古人盡為敝老

嬾無玩心時時取娛昔得失苟不存是非自無計興來
不覺盡意去且從置亦為下酒耳焉別此中事

有感二首

一榻來青閣三霜古白田丹鉛銷削布文獻付山川服

漸為人指刀應善自全長懷豆盧杖搔首意然然豆盧威等

志丹陽郡事
見大業拾遺

太祝瞎無翳仲車龍背有靈海澄何日見世議皺眉聽烽
火通龍國樓船斷鮎亭黃頭方選壯雞肋媿劉伶

題新昌俞秋農

汝本先生書聲刀尺圖

秋風起哀音吹此慈竹林行行竹林下誦公懷母吟吟

聲和淚聲滴我思母心請為皋魚歌和以子夏琴蒼天
何高高海水何深深可憐一寸心死此一塊肉身矣恐
不男男矣恐不育既育望兒長既長望兒讀豈要苦兒
讀投胎我貧家貧豈必讀書祖父此生涯爾勿學他兒
他兒福命佳爾勿定爺守欲飽放爾爺爾勿怨阿孃阿
孃不爾撾黃雞屋角叫今日又生子速讀去拾來飯時
吾爾飼種餘有罌底包餘有牀裏速讀去揆來全家吾
愛爾姊妹不解事惱爾讀書子速讀待筮來從我取蔬
水有蔬苦無鹽有水復無米速讀待春來飯糲先溺與
書衣看看昂兒衣看看長女大不畏爹兒大不畏孃小

時如牧豬大來如牧羊血吐千萬盆話費千萬筐爺從
前門出兒從後門去呼來折竹籤與兒記偏數爺從前
門歸呼兒聲如雷毋潛窺兒倍忤頑復憐癡夏楚有笑
容尚爪壁上灰為捏數把汗幸赦一度咎哀哀摧肺肝
歌哽琴咽彈天耳為我塞地鼻為我酸苦力種來禽禽
來不能餐極意作織成成織不能穿徒枉一世心不博
一日安蠢蠢者紙堆絮絮者新阡負毋非一塗因公附
斯篇

和淵明飲酒二十首并序

壬寅七月自郡歸倦不欲出每獨飲數盃有所觸

寄輒和陶作至十月之盡諸章俱備除去重複見
意足矣

浩然白雲去涼風吹送之明月一盃酒青天無已時淵
明何代人松菊仍在茲真襟苟會合自信直不疑清夢
未易求此語猶謹持

種豆不得豆蒿藜滿秋山生無一日樂便死何足言千
駟葬何人真可活百年堂堂亦有此明日當誰傳

使氣路旁粥何損黔敖情夸齊止如此餓死仍無名人
死非一塗人生不更生古來嗜酒輩到死得鬼驚當時
謂醉耳竟乃事事成

少志橫四海夜夢負天飛將老氣血靜少樂多所悲相
彼白項烏一朝失其依蕭條空枝上哀思暮忘歸天寒
慘將雪北風聲不衰命微運復爾身受那得違

參差五男女媚爺爭酌喧爺醉顏如花臨風反以偏念
我蓋棺時汝曹扛入山風雨一堆土有酒豈得還今日
及舌在用飲莫用言

欲哭則不敢人命真有是造物誰得爭一成遂不毀冥
心付爛醉待醒還復爾羨爾不羈人玉顏對綠綺

海內寬大極安攘盡豪英匹夫不獲醉申韓無是情誰
言止無用酒故須人傾一壺未盡酌已聽糟牀鳴此物

良足慰亦復忙一生

喘喘脫命鹿自傷五岳姿回憶向來路環身戈戟枝斑
雛角茸茸骨相何清竒革蒿不自飽銜與尚爾為感之
痛人腸荷擔去莫羈

終晝瞑目聖此眼不可開紛紛何為者薄惡難為懷鄰
翁九十餘古性老益乖提壺就之飲謂我從雀桮天畱
作厭物眾情賤如泥君何獨不弃毋乃別有諧幸聞生
之初釋我神意迷更幸作醉語複疊數十回

哀哀入籠鳥一生逐四隅人為萬物靈亦復無出塗誰
爾牛馬哉自供名利驅可憐客中死絲毫無復餘安宅

豈不廣直負百年居

生著人路上誰能出其道展轉無奈何可憐佛與老百姓
方會想盡一朝亦僵槁枉死究何益順生豈不好眼前
一壺酒是誠無價寶我請處人中看君立物表

盃前此天日甯非古人時古人一無見虛名在文辭詫
我爾何人把盞忽在茲快爬復護痛自認了不疑形影
互贈答咄咄久相欺人云口可飲無偶聊邀之

酒道至廣大人各造一境至哉無量人何醉復何醒嗣
宗豈無秘其妙驟難領我懷古先民夜猶枕其穎如何
嵇與呂鸞鳳對臬柄

生年三十七姤下一陰至漸老漸變剥不變者惟醉世
物獨酒真飯食亦其次好處無可名日進正爾貴萬想
患不得待得止無味

舉觴望青天萬古此大宅各入醉一場既醒無遺跡杜
陵典春衣蕭索銅三百揮手四十萬君妃扶太白二子
骨在無我更何歎息

有客挾秘籍云是珞琭經指示媿茫昧聽久睡欲成前
知究何益既定豈得更客言識坎險可以不出庭妙術
誠可羨風雨懷雞鳴請自用我法謝君相愛情

半道逢酒具恍然三代風舊畏人我欺果在所料中同

游數十年乃有此龐通賜也徒能辯更不知仲弓

天寒思地鑪石炭賤難得此日不讀書虛凍豈非惑兒
子按我側家具復逼塞自笑似周赧空名不成國一盃
且暖足清靜守元默

家貧憚遠役縣近便求仕聊謀三徑資傾身已違己何
物督郵兒折腰甚吾耻舟颺風吹衣歸去來鄉里公田
秫未收茲固不足紀有錢送酒家無即酒可止含觴語
阿舒嬾惰爾何恃

此杖何自來崔翁言語真八十仁江上喜我氣頗淳手
持指謂我不獨形狀新歷傳四老人如夏商周秦年皆

八九十我亦步其塵恐便旦暮死贈子存殷勤感之日
摩弄當與五老親亦似取精多光澤活以津我年近四
十老日登頭巾約去五十年當為覓替人

和淵明責子示知同

己下癸卯

筌筌非我懷蠢蠢用汝實如何好弄心不移著紙筆念
汝寡兄弟踽踽形影匹是業苟不傳於我固無術慰情
一自足奚待有子七常恐置膝恩一變為戰栗至矣城
南詩金根究何物

五岳游侶歌送陳煥巖

體元

歸南海

聲如風霆息如虎自說生今六十五耳聾不入世人言

日拉山靈相爾汝羨君首枕五嶽詩羨君脚帶五嶽泥
十八省山看齊了笑指蓬壺請君老君言五嶽如五經
說山我亦郭子橫世無章亥止禽向欲列弟子吾不能
可惜此頭顱汗漫成老夫羅浮朱明天是我四子書童
而習之長弃去及今料理其時歟此去君真收汗馬牂
江新碧正如瀉動我樓船五道心先君飛到羅浮下南
樓日出見海東五朝風靜玻璃鍾何物蠓蠓一蟣蝨不
值半矢天山弓富哉中原億萬鋸拱手擲向波濤中君
歸試看五色羽邇來恐化青蚨去更尋暗虎今在無終
古銜碑奈何許因君一喟暗傷神五嶽何須有外臣羅